



La demande de la femme de Zebedée faite à Iesus pour ses enfans ; n'est point acceptée ; & le murmure des Disciples.

LA mere de Iacques & de Iean fils de Zebedée, qui se persuadoit que Iesus deuoit remettre l'Estat des Iuifs en sa premiere splendeur, vint avec ses enfans s'enclinant deuant luy, disant : Je te demande vn don, c'est que tu ordonnes que mes deux fils, qui sont icy, soient assis en ton Royaume, l'vn à ta dextre, l'autre à ta fenestre. Et Iesus répondant, dist à Iacques & à Iean ses fils, qui auoient fait faire cette requeste : Vous ne sçauz ce que vous demandez ; pouuez-vous boire la coupe que ie boiray ? & ils luy dirent, Nous le pouuons : & il leur dist, De vray vous boirez ma coupe : mais de seoir à ma dextre, ou à ma fenestre, ce n'est point à moy à le vous donner, mais à ceux ausquels cela est préparé par mon Pere. Les autres Disciples furent mal-contens des deux freres : parquoy Iesus les appella à foy, & dist ; Vous sçauz que les Princes des nations les maistrisent, & les grands vsent d'autorité sur iceux : mais il ne sera point ainsi entre vous, ains quiconque voudra estre premier entre vous, soit vostre seruiteur ; tout ainsi que le fils de l'homme n'est point venu pour estre seruy, mais pour donner la vie en rançon pour plusieurs.

S. Matthieu Chap. 20. S. Marc Chap. 10.